

宋詩紀事補遺

宋詩紀事補遺卷九十二

歸安陸心源伯齋父輯

趙世長

太祖四世孫燕王德昭曾孫真宗時大理寺丞
知益州華陽縣楊億有送世長詩見武夷新集
後封濟陰郡公

送張無夢歸天台

瓊臺卜幽隱金液鍊真精冰雪形容古烟霞意思清
談玄通至道養素達長生被詔離仙窟安居入帝京
唐虞迴聖眷巢許讓高名抗節辭丹陛歸心戀赤城

再眠琪樹影重聽瀑泉聲朝客多攀餞天章復贈行
令猷光史策逸態傲公卿珍重青雲外逍遙樂太平

天台

集

趙令穰

字永年太祖五世孫官右武衛將軍隰州團練
使工花卉贈榮國公謚恭敏

遊紫麟峯

千仞奇峯薄上清葛洪於此尚留名紫麟瑞靄春風
暖白虎丹成夜月明點點蒼苔空有跡菲菲芳草不
聞聲高蹤回首今何在山水猶含萬古情

宋詩拾遺

趙令衿

厲有

泉南花木

偶然遊宦蘓桐城雨見南薰荔子生欲別北樓還小立留題雲榭豈無情

輿地紀勝

趙子晝

字叔問燕王後也警敏嗜學大觀元年宗子進士第一宣和初編修九域志遷刑部郎南渡來居開化山中車駕駐越遷太常少卿時祀籍散亡子晝旣淹貫討論無遺進貳春官陞龍圖閣學士守秀潤已而奉祠家居慕司馬德操爲人

作崇蘭圃與程俱諸人酬唱其間俱稱其剛而不亢通而不流文敏以粹篆籀草隸皆力追古
人所著有崇蘭集

題崇蘭館圖

勝境茲辰得重尋喚人同厲碧溪深兩公未遽嘲糠
粃舊悉山林勇往心

疏食空山謝擊鮮瓠肥那得此枵然祇應久絕紛華
念亦笑臞儒不是仙

開化縣志

趙子從

字伯山太祖六世孫自號鑑堂居士官至延康

殿學士右中奉大夫著有朝野遺事一卷見讀

書志

建炎四年正月二十五日過南山詩

望洞北昌下剝不可辨刻劃兼無雙惟奇
虬龍脊彪兕怒狹狶作傾
洞哀湍瀉春撞磨崖名相踵快意言多唶賞心或自
得有力誰能扛想當秋水至萬壑爭淙淙仙聖會縹
渺松竹導旌幢祇今巖岫間髡鬚餘千杠豈無避世
翁台背霜眉龐口許尋子真不辭拜老龐華髮去鄉
國炎荒寄蓬牕偶著兩口厯端令寸心降危守跂鳥

翼旅食空酒缸歸鷗識故棲野燒明枯椿送客雨霖
霏催口鼓逢逢推枕耿不寐取火續寒缸哦詩雜蠻
語嘲啞愧新腔

廣東通志
金石畧

趙伯光

象州守太祖七世孫

寒碧亭

誰云嶺外皆炎熱此是西南第一洲

輿地紀勝

趙伯純

太祖七世孫

登南山

少陵雲間詩重巖班菊藥一章刻巖腹千載今可視

輿勝紀地

趙師俠

字介之號坦庵江西新淦人太祖八世孫湧熙
二年進士著有坦庵長短句

熙春山

矯首遐觀崇臺徒倚心目俱寬一水縈藍羣峯聳翠
天接高寒

福建通志山川

趙師龍

字舜臣燕懿王裔孫居餘姚隆興二年進士湧

熙間知邵武軍邦人刻石記之後知真州

留題嚴因崇報禪寺

尋幽訪古到巖前仰視雲霞接梵天六代興王那復
在千身化佛尚依然老松欲作蒼龍去怪石常如猛
虎眠已覺塵勞變清淨何當築室曲危巔

建康志

趙師魯

吳江人咸淳四年進士太祖八世孫

過臞菴

竹木清華處林亭曲折開泉聲經雨雜石勢學雲頽
留客煮新茗敲泥甃舊醅子猷去已久信宿爲誰來

見松陵詩
徵前編

趙師聖

太祖八世孫燕王德昭七世孫

爛柯山

姑蔑城南問爛柯籃輿踏翠晚來過巖前雲擁杉松
老席上棋敲日月多四序秋光浮淡蕩半空鐘韻遠
嵯峨仙人去後餘殘局風雨山深長薜蘿

西安縣志

趙希鶲

太祖九世孫

秦洞

白鷗曾此識機心渭水翻波自不禁當日尙嫌文網
闊後來誰測武陵深西風落葉吹秦晉流水桃花迭
古今世豈避人人避世九垓同此夕陽陰湖南通志山川

趙希融

長樂人太祖九世孫

賦玉岩

君不見陶令門前栽五柳聊爲折腰辭五斗歸來三
徑足歡娛琴書得趣人誰有又不見和靖卜築臨西
湖湖山勝景天下無至今疏影橫斜句人與梅花共
清江古來逸士皆如此一節純全能終始三歎古風

挽莫同幸有玉岩人足比二十餘年養浩深厭居朝
市入山林此身出處無非道憂世誰知一寸心愧予
朱墨塵埃裏恨不巖前濯清泚想象入室芝蘭馨有
口清廟遺音美聞說當年贈監書蒲公之見特其粗
要知命義吾儒事願學同遊周邵蘇宋詩拾遺

趙與擯

太宗九世孫知長溪縣

白鶴巖

六丁開兩壁不知始何年中間一崆峒可爲幾客延
我來拂石坐傾耳聽潺湲古榕蔽天罅一瀑穿峽懸

四時宿雨露亭午飲虹烟神公忽震怒想起潛蛟鞭
至今空山驚莽草連飛泉宣調松琴操更聞鐵鑄傳
山僧避儂賊飲溜枕苦眠興懷內訌日鼎鼎百餘年

福甯府志

趙與泳

太祖十世孫永州郡佐

偶侍郡侯口遊羣玉浪吟二絕聊誌歲月時
湻祐乙巳菊節前一日

玲瓏奇石繞林間屈曲高低未易攀非斧非斤誰運
巧偏來琢就此蓬山

此景元來已不凡高人那更脫塵寰清幽爽垲舒情
思頻賞無非吏事閒

零陵縣志金石

麥秋勑農隨侍郡侯杖屨獲遂澹岩一遊浪
吟古句聊誌歲月

玲瓏巖竇高倚空霧靄山巔氣鬱葱征途倍喜憩美
蔭石室况乃來清風屈曲兩門最虛敞不斤不斧誰
施工眼高城郭喧囂外詩在煙雲縹渺中我來情思
良不惡盡洗朱墨塵埃胸惜哉距城稍遼邈歸鞭未
著心沖沖天開地闢此岩峒山谷品題名始穹安能
廣作萬間屋震凌風雨皆帡幪

零陵縣志金石

趙與僕

天台人秦王德芳之後景定壬戌爲湖南提刑
檢法官

幸侍軺車敬贅嚴韻

男兒有志事竟成好把功名竹帛垂今日輿圖當混
一誰能重拭口口碑

細把中興唐頌看玉環遺恨記當年自從擁馬回靈
武整頓乾坤豈偶然

卽事口占

生平夢不到浯溪此日欣從使者來天放一晴舒眼

界大江橫上入鑄罍

湖南通志
金石畧

有

趙與滂

厲有

題晏國師喝水岩

古塲出唐井豫誠國師名於此坐禪處渴回流水聲

如何神晏塔移作李綱塋見說山中塔不平空自鳴

福州鼓山石刻

趙與霖

四川人太祖十世孫咸湻中以敷文戶部爲廣
西經畧安撫都轉運等使

咸湻丙寅游馬平仙奕洞

鑿石縱橫十九槽，千年仙跡在林皋。
因思有局無棋意，可是從前不著高。

廣西通志
金石

趙與儀

字英可，宋季天台人，太祖十世孫。

夢賦落梅

溪月涵虛影，山雲護斷香。

浩然齋雅談天台趙與儀英可嘗夢賦落梅詩僅記一聯云云莫知何祥後爲豐儲倉監獄四劄後吳益尹京辟之爲屬遂與合尖脫選蓋吳尹自號雲山于是謙香之

句
驗
遂

趙與泌

與泌太祖十世孫寶祐間以承議郎知興化軍

僕遊縣

勸孝

三復蓼莪思二親
親恩天地無比倫
生我鞠我長育我
出入腹我何艱辛
爲人之子欲報德
昊天于我心罔極
順承猶恐莫酬恩
況復忘恩爲悖逆
此邦由來多孝義
縣西元有曾參里
後來因避大賢名
却易里名爲養志
乃知里有孝順人
至今名號猶芳芬
人心天理不相遠
前賢孝行胡不遵
習俗薄惡良可嘆
梟之徒肆其憚不念
父母劬勞恩悖德
禮如習慣

在汝當爲反哺烏汝乃叱之若狗奴在汝當爲羊跪
乳汝乃詈之如嚇鼠此事雖云未必然我乃聞之毛
髮寒一朝引咎深自責由我教化有未格思昔曾爲
貴鄉令見人母子偶相競令因涕出受孝經母子翻
然起新敬余今告汝以因緣汝宜悉把舊惡悛從前
果報言難盡孝順之中自有天五刑不幸最爲大汝
宜猛省聽予誨官法昭昭在眼前輕則編置重則配
假如幸免遭官嗔必有天刑及汝身六丁霹靂飛雷
霆此時無路可自新

興化府志

趙孟僖

燕王德昭十世孫

慶侍郎

不戀持荷侍玉皇再從均燕似山堂世間何物侔清
節照水梅花傲雪霜

截江網

趙孟備

太祖十一世孫文天祥見之曰瑚璫器也其後
天祥辟以行及赴闕孟備留吳僅五十日宋亡
元兵執孟備欲官之辭以疾依親友居絕口不
談宋事號三教遺逸居嘉禾天祥卒爲文哭之
臨終作詩端坐而逝集名湖山汗漫今不傳同

時有殷澄字公源家富好施自爲殷佛子元兵
壓境將屠之澄仗劍說其將楊掃地楊怒欲斬
澄澄厲聲曰殺一人活千萬人死何足惜楊感
悟一境獲全丞相伯顏欲授以總管澄逸去稱
渾南浪翁又有陶菊隱德祐末元兵南下菊隱
散家財招集義兵謁文丞相于軍逸士流寓者
多依之戒子孫勿仕元二人與孟僕稱秀州三
義云

臨終口占

王室之懿文山之客持此寸心千古忠赤

李構詩繫

趙士初一作仍

士初字誠甫鉛山人太宗六世孫宋宗室勤學篤行大觀間鎖試第一厯官通判臨安提舉淮東有治聲紹興末爲宗官卒謚文安

贈申孝子

鉛山乃靈山號爲七寶庫有時地愛寶人傑時一付禮闈較文章發爲性仁賦盛美固不絕且作忠孝路時凶盜賊多熾焰不容捕長驅斬關來提揮遠相訴申生本醫家首衝眾賊怒有子驅而前悲泣濕衣褲願代父之死三刀色不怖賊曰汝子孝解衣襯血汙

以此兩全生父子歡如故何不上明君表旌當金鑄

江西
詩徵

趙士字

太宗五世孫封清源侯

遊虎邱

脫身到泉石釣具一蓬舟澗險松筠合山深宮殿秋
角巾可投檄尊酒且澆愁甚媿阮宣子青錢掛杖頭

虎邱
志

趙不恩

字仁仲嗣漢王宗暉曾孫紹興二十七年進士

封崇國公卒謚宣簡

句

魯國筆端昭日月次山書法得春秋

輿地紀勝

趙不過

紹熙四年以朝奉大夫知嚴州慶元二年江西

提刑見嚴州圖經

康沂亭

雷瀕桂海號炎陬自笑區區亦宦游若使民康無愧

古誰云此地不徐州

輿地紀勝

趙善思

永嘉人太宗七世孫

多景樓

壯冠東南四百州
景於多處最多愁
江流千古英雄淚
山掩諸公富貴羞
此府至今猶有酒
中原在望莫登樓
西風戰艦成何事
只辦年年使客舟

宋詩拾遺

趙善詔

太宗七世孫

隆州

三山高峭拔鼎峙
各爭雄秀氣鍾英
物衣冠盛蜀中

仁壽

仁壽州如斗分符愧罔功

何狀元

誰謂山城僻倫魁此破荒輿地
紀勝

趙善政

嘉熙二年知仙居縣太宗七世孫

南峯山

山上青天山下溪白雲流水兩相宜丹成共爾南山老採採松枝亦療饑仙居縣志

趙善期

字成父太宗七世孫淳熙六年官巴州郡丞

和嚴武古柟

上
缺搥奇峯佳客對凌空下視孤鴻背夜口霹靂起山根老蛟飛口崖裂痕高高不放行雲度鳥語去來分曉暮直疑種是萬年枝定應葉漬三危露班輸腰斧頻口口婆娑巖壑夫口口口看世事了如夢靜聽江聲知幾秋巴南刺史儒林文憐汝抱材開鑿賞賡載長謠口更清瓊鈎珠珮相聯響金石苑

趙善括

江西隆興人太宗七世孫孝宗朝登進士第初爲常熟宰厯郡倅知鄆州凡四十年謫官復充

幕職終岳州漕佐著有應齋雜著

追和外舅郭倅定香院題詩

我家冰清酒星魄倏忽筆下思雷風萬里去家烟瘴
裏一行作吏簿書中高才不許在廊廟仙迹且復歸
瀛蓬僧牕杳杳水天闊目斷波底斜陽紅

用子存韻寄乃兄雪喬

要識居塵不染塵小牕容膝近東鄰香稍不老偏宜
曉瘦節常寒別是春脩坐圖書情頗厚對牀風雨夢
還新擬將梅竹方兄弟若說清高更道真

題壁

平蕪行盡又青山水遠寒隄綠一灣征客紅塵自來
去碧林鳴鳥獨幽閒

以上見應
齋雜著

趙善宣

太宗七世孫紹興癸丑知通山縣孝宗時知甯
國府嘉定元年以朝請大夫工部郎中直華文
閣知臨安府

題十詠堂

十詠名堂歲月深我來訪古闢荆榛依村結屋臨山
址種柳尋花傍水濱珠玉舊傳清唱在滄浪初棹綠
波新此心樂與邦人共要使渾如郡北春

迺山
縣志

趙善俊

字俊臣簡王元份六世孫邵武人紹興二十七年進士累官知郴州大府寺丞淮南運判直祕閣知廬州淳熙元年加直龍圖閣知襄陽府官至祕閣修撰知鎮江府

武邱寺

我有家山與茂林閉門肯復事幽尋偶來千古雲巖寺洗盡三生宦海心竹紾不停泉溜響苔花難掩斂痕深秋晴借得重陽意領客登高共醉吟虎邱志

趙善俊

字德潤太宗七世孫湧祐中官萬縣令

湧祐壬子王正人謁僊薦蘿有感而題

企仰僊嵒歲已深此行一見卽知音水簾不卷非朝夕芝石長生到古今孤鶴來迎疑識面片雲飛去出無心相逢總是旌陽侶喚起先生問劍口金石苑

趙汝州

字君牧湖北襄陽人太宗八世孫少有才名

過訪詩妓謝金蓮見庭中紅梨花盛開因賦

換卻冰肌玉骨胎丹心吐出異香來武陵溪畔人休說只恐天桃不敢開湖北詩徵傳畧

趙汝鑑

厲有

宿枕峯寺懷舅氏有作

野竹有慈性叢生不相離永懷寒泉感昨與渭陽期
寺閣共秋晚山雲獨移時尙想談論間丹願映雪髭
氣豪機事少所嗜平生詩起居今何如會合渺然知
霜清雁蕩骨春藹天台姿混融入老筆遠寄江湖思

天台別編

趙汝績

字庶可太宗八世孫有山臺吟稿

別曹松山

柳條能幾長袖手不忍折東風惡作劇客袂吹欲裂
男兒數寸管平世三尺鐵何門無鄒裾有國駕孔轍
鷺鷀擊飄風不受錦韁紺驛踏飛電寧顧黃金埒
中年易悲傷浩歌彌激烈常恐兒曹覺況與我輩別
侏儒囊粟飽壯士唾壺缺子行亦何以問口尙存舌
但惜新相知未是古決絕長安萬花春蘆鞭裊晴雪
一第宜憇子相期抱貞節

無罪言

哀哀民何辜遭此凶歎厄初聞數米炊次復併日食
草根掘欲盡木皮屑不給疲老就枯僵少壯作捐瘠

十百什一存鳥喙仍菜色朝憂夕恐懼不得見新麥
城市逐末徒奔走困貴糴剝牀遂及膚近半死於疫
吾皇素仁惠一念軫饑溺發粟通有無寬逋已徵索
郡縣乏宣化鞭撻庭下赤貪官猴而冠健吏虎而翼
天災偶參會人意莫致詰淮楚困烽塵荆蜀斃鋒鏑
湘潭煩調戍洪贛事供億昔聞惟內地可以稱樂國
豈料一年饑狼狽如此極公卿飽輿臺王侯羅第宅
私財足苞苴公帑罄符籍匪難活民命何以壽國脈
子牟心徒勞之武壯自惜安得抑九關玉階面咫尺
天地本至仁君臣願一德賢人斯在位能者各效職

太守務循良監司去姑息智者謀朝野勇則衛疆場
自然風雨時自然稼穡值自然至和生自然元氣實
何憂乎驩兜何畏乎強敵勿罪狂斐言斯言定金石

環碧園餞信守趙蘭皋分韻得燕字

開窗俯平湖折柳舉離宴五馬遲未發暗雨雜飛霰
江東古名州廣信今近甸兵騎費紀律民瘠易恣怨
磽田歲少登孔道楮常賤正須儒者事毋媿循吏傳
休辭一杯酒往副千里願有語不敢留低頭媿檣燕

墨歌

空山老桐勁如鐵英枝翦翦夜擰月霜風著子涵玉

膏烈手崇朝剖融結別令剗木環清泉翠缸紙羃籠
輕烟霏霏玄霧掃難聚斷犀烹煉凝蛟涎和成萬杵
擣圭璧良工欲售常自惜絕憐剗水多大藤又慮端
溪欠奇石久知此藝人罕精作者未必識者明九華
山下祝公子頗以膠法成其名相逢但問詩有幾以
詩換墨兩自喜酴醿園館已謝春楊柳池塘正藏水
薰風拂拂吹硯波呼兒教作病手磨須臾滿硯片雲
黑無詩可寫如君何

陳老畫牛

老融弃髮逃於禪胷藏邱壑身林泉時拈寸管幻墨

汗慘淡咫尺生風煙尤工畫牛古絕比不特形似眞
神全平生知己一攻媿惜墨如命詩猶傳至今鄞人
懷片紙如獲圭璧珠璣然陳生少壯曾入室妙處已
覺牆及肩岸痕樹影彷彿地雲陰雨氣冥濛天寒禽
立背渡淺水野葑沒足行淤田礪角思鬪力居尾倚
木楷痒勢擁前或沿草徑逐羣去或傍茅簷抱犢眠
如何盡得此態度前身想住桃林邊世人貴耳不貴
目嗚呼此畫空爾妍我方求之不論錢卷收更閱三
十年欲尋此老不可得摩挲陳迹方爭憐

題黃存之春莊急雨圖

山濃樹密春欲浮農夫有事營西疇鶴鳩聲歇風雨
急田塍滑澗如翻油牢披蓑衣緊繫笠渾身水流雨
股慄揀時浸種開稻包心急鞭牛牛步急前年春寒
再移秧去年夏旱赤地荒東鄰西保幾人在渠今尙
得本身強低頭無言心似苦定願五風十日雨禾頭
粒粒飽秋露糠粃充腸米田主我家鏡湖煙水湄身
雖不耕眼見之何人得此畝畝趣短紙寫出無聲詩
坐令展卷三太息力穡莫供浮末食君看此輩終歲
勤返向溝中作捐瘠

惜昔一首

憶昔三十氣拂雲
鉞神燾鬼泣禡文
欲提河洛數千里
重收圖版歸明君
只今萬事付孤憤
坐看江西竹生粉
芑絲成匹翦釣衣
一櫂賀湖煙水遠

離越

東關寒水深遊子
別家心櫂急波鳴
枕蓬疏月在衾半
生多道路何日定
山林隔岸聞漁唱
離騷不敢吟

峽江龍祠

坐占山回抱平看
水怒流丹青今古像
香火往來舟石插
青沙岸雲橫夕照樓
揚靈相恐動巫覡有
深謀

檜房

老檜倚虛房能生九夏涼
讀書參句讀臨字識偏傍
婢織蒲爲履童燒朮當香
興來吟不就頻與月商量

雁山章君以江山無盡圖求詩

寫此何人雲夢胷色塵真幻等成空
看君一軸畫圖上在我半生行記中
剗水同舟乘夜雪楚江燃燭聽秋風
轉蓬蹤跡徒勞耳心愧雁山頭白翁

南坡

小園路口安柴戶日日山翁手自開
禽有色聲皆可玩花無香實不須
栽柳根著石宜安釣巖磧通泉可泛
盃更向南坡臨水處參差純種百株梅

送荷渚歸越

歸

湘湖蓴線正宜羹一舸濤江汎曉晴屋破不妨從客
借田荒自欲課奴耕不隨不激真吾事乍僂乍賢皆
世情從此一麾江海去西風斷雁冷無聲

謝高左藏惠墨竹

幅箋幻墨起秋風便與蘭亭景致同料得揮毫盤礴
際渭川千畝在胸中

韓仲龢墨竹

墨暈生冰硯影寒素毫幻出碧琅玕尋常夜月窗前
見此度秋風紙上看

江湖後集

趙汝同 勝有

字幾道，浚儀人。太宗八世孫。嘉定七年進士。主管進奏院有東閣吟藁。

簡陸少監

登瀛彼何人，選海渺無際。巨矣萬斛舟，不與貧士濟。
起檣開錦帆，逆浪使風勢。貧士望洋立，惆悵發深喟。
少監笠澤英，清芬襲蘭砌。不經覓舉難，不道覓舉易。
每恨里選衰，高才守低位。趨榮靡願辱，不富焉有貴。
一途總不歧，隻臂讛羣鶯。園桃各春妍，崖松以霜悴。
端笏玉宸前，極口陳國是。上之及公卿，下之言守帥。

剝膚到饑毗
孰與護元氣
凝陰積層霄
剽賊延內地
毋謂民不神
民情卽天意
善瑟無弊弦
良工先利器
所願招雋豪
棄取委公義
庶幾皋伊出
扶傾掃沈翳
從來立仗馬
唯作噉蕘計
堂堂不諱朝
鳴鳳峙鵠陛

寄昭武馮司戶

朝解白鵠袍
夕投武陽壘
武陽眾盜區
風傳駭妻子
六月日癸亥
一書滿三紙
具言五月初
獨宿鐘石邸
脅從在所矜
渠魁固無幾
仰憑天子威
肅導史君指
豁達生路開
擲劒秉勑耜
始知浮金魚
終如慕鶡蠟
游騎從何來
使我顏有泚
幸逃食其烹
猶存漢家體

黃巾與綠林往昔殊僭擬陸梁能幾時才戮而已矣
理國若理身慮我不慮彼潰癥復何難實恐元氣毀
江閩五十邑荆棘五千里我農失種穫我士乏儲峙
捕招兩悠悠分明養彪兕頃予參此軍忽忽逾一紀
素殮歌伐檀居前愧揚粃坊闊儼在目焜煌空遺址
史君君子儒規摹用詩禮軍勢李晟孤國事賈生恥
蛟龍無波濤胡能制蛇虺誰謂曹椽卑偉矣天下事
生平報國軀小節安足死南北久瓜分須君混文軌

漁父

衡嶽早來雨湘江增綠波小舟浮似屋香草結爲蓑

水定見魚影夜清聞櫂歌悠悠百年內醒少醉時多

送蔣大璞赴揚州司戶

維揚幕府最風流何樣梅開蔣樣遊新籍楚民今幾戶
舊年隋帝此停舟慈親就養惟愁雪元帥崇詩不畏秋
壞闕城高豈忘戰平山堂北是神州以上江湖後集

趙汝馭

溫州樂清人太宗八世孫嘉定元年進士淳祐三年知惠州政務安靜而飾以文學累官廣東轉運使

雲峯菴

一菴移向白雲深丁卯年來住至今鳥弄蟬鳴俱過
耳心如鐵石髮如金

見日菴

莫把桃花誤世間日方明處隱尤難道人辦得心堅
固好向飛雲頂上安

可賦菴

舊題可賦足幽深手植疏梅有石心當日和羹人不
見竹風疑是讀書音羅浮山志

石樓

厯井捫參跬步行直排闔閨叫雲局着身高處不知

險回首看時方始驚世界三千藏粒粟江湖萬里付浮萍何須更跨揚州鶴穩御仙輦朝帝京

羅浮志

趙汝磧

字叔愚太宗八世孫號愚齋見自號錄

謝友人惠襪布

客裏行終日難逢識面人所交新有幾相語又俱貧
句口推敲長情增邂逅親絲絰到雙足那敵襪材真

網江

趙汝能

字公舉太宗八世孫海鹽人贅居崇德紹興二

十七年進士知海陵改鬱林州削平巨寇寇所掠金寶盡藏一沼僚吏請發之笑曰鍾離意以爲何如調守全州厯浙西沿海議幕壽八十自號雲谷道人

題崇福寺羅漢閣

卽常樂菴

閣上殊因子細看幻成羅漢幾多般休驚五百神通異自是三千世界寬粉壁龍蛇渾欲動石橋雲水亦生寒香消日晚僧歸去無限奇光發夜闌

嘉禾志

趙妝育

泉州晉江人寶慶二年進士太宗八世孫

次龍吟寺壁間韻

解鞍遊古寺夕照滿疏林雨過山如畫風生竹解吟
龍眠秋水靜豹隱暮雲深喚醒遊僊夢數聲何處砧

志
黃山

浮丘壇

臨陽僊窟宅遺跡在巖扉丹就泉如舊壇空人已非
碧峯千古在黃鶴幾時歸乞我刀圭惠從君隱翠微

志
黃山

趙汝碩

字嘉言南昌人太宗八世孫博學能詩文嘉定

中知泰和縣事有政聲

觀山

揭來快閣慰吾意更說觀山傳舊年不憚筍輿穿草
棘只知野叟足林泉半空嵐影挂簷外一徑涼颸過
酒邊料得涪山爲拈出當時千尺不應然

江西詩徵

趙汝談

厲有

洞霄觀水

峽口蒼蒼放水時乾風吹落面前詩可憐無地遮秋
色流出千山也自奇

寄趙昌父

楊柳風吹社雨晴櫻桃花發野塘春歸來依舊青山
好白髮看山有幾人

題謝一犁春雨圖

久客長安思野人今年羅貴更愁新江蕪漠漠春多
少展卷聊尋夢裏身

以上詩
苑飄芳

趙汝遇

字時可太宗八世孫鄞縣人淳熙十四年進士
慶元間以從事郎任撫州軍事推官厯監登聞
鼓院軍器監見寶慶四明志江西通志袁甫外

制

次韻重建神秀樓忠定公韻

峩峩城南樓繙創知幾時
樓前中津水潮來復潮歸
春此雪海區襟帶東西溪圖牒
考往事杳杳孤鴻飛
傳聞昔蕪城陋若枳棘籬
鼎新賴宗衰欲與千年期
紀事屬東萊字字皆吾師
甲子甫一周孫枝繼成規
壁壘訪遺跡闢千納餘暉
農隙旣閒暇溟波日平夷
班春布寬大諭俗無澆漓喬木有世臣
惟有乃似之此段信奇事今昨何是非
指顧舊觀還略不煩丈移
落成當元夜月華流客衣前作信高韻
新篇寶英詞卻笑峴山語登臨何足悲

天台
別編

趙汝愚 輿有

神秀樓落成

魯侯作南門春秋書不時嗟予春暮來復遣秋暮歸
巖巖龍固山迢迢栝蒼溪孤城焜燭餘棟宇烟塵飛
悠悠客行路一夕固藩籬城中十萬家奠枕將何期
賓僚賈馬儕邑下循良師經營有餘地所就踰前規
西風散黃菊天宇澄清暉浩歌留飛仙擊鼓驚馮夷
分題雜險怪醉墨翻淋漓別來冊府英往往夢見之
恍然今夕游似夢疑復非夜深燈火闌露下星斗移
父老呼童兒挽裳或牽衣來飲史君酒聽歌史君詞

有淚不忍彈恐遂行人悲

天台別編

劉阮廟

當年劉阮意何窮莫謂仙凡事不同解到瓊臺雙闕下遙知道骨與僊風

石橋

法身遍滿三千界影現天台水石間我欲直從心地見來看磊砢聽淙潺

天台別編

趙汝洎

字子野崑山人太宗八世孫開禧元年進士

讀夷堅志

宋詩九十三

三

千古王明法度書豕啼蛇鬪未爲誣後來更有無窮事付與蘭臺鬼董狐

浩然齋雅談近世趙汝淳讀夷堅志詩云云用千寶事甚佳

宋詩紀事補遺卷九十二終

門下士德清縣學生員胡恭壽校

宋詩紀事補遺卷九十三

宗室下

歸安陸心源伯剛父輯

趙崇嶓

厲有

嘉熙二年六月以奉議郎知樂平縣不屑簿書
期會而文采風流邦人傾羨

勸農

邊頭幾日靜干戈見說朝家已講和猶惜人間有湯
鑊攢眉終日爲催科

樂平縣志

趙崇鉉

太宗九世孫

梅巖

嵌空天影落元間更着梅花迥莫攀休說橫斜欠清
淺此巖正不減孤山

又

梅花應只在巖間無奈官身不可攀幾度句中尋夜
佛鉢靈安得爲移山

樂平志

趙崇傑

太宗九世孫

龍潭寺

欲覓龍潭何處是青山影裏見浮圖紅渠映日真花

藏碧水涵天瑩玉壺已放源流通北海未饒風物說
西湖侍中菴外多閑地容我他年卜築無懷慶

趙崇懌

字成叔江西臨川人太宗九世孫淳祐四年進士善詩與蒼山曾子實原一同時主壇坫亦稱東林先生隱居通議

金精歌

東風飛靈雨一洗桃李塵快馬紫遊轄來賞金精春連林翠氣吹不動時作佛髻螺頭青劙劙天壁面削起中可建旗坐萬人豁然呀呀佛然憑憑蹲蹲者爲

虎豹兀兀者爲墉城千年老狡學春吟白日龍雷藏
樹陰蓮花峯下久無路時有樵子攀藤尋丹光出屋
水涔涔白鶴飛去棲桃林桃今幾熟枝尙青石田玉
子無龍耕雲蒸甌腹爛青飯雪凍地骨迷黃精靈君
夕矣鞭玉麟今作天上何公卿巖前老竹屢生米夜
有石犬當堦鳴我亦三生家石鼓花落花開不知數
人間魚沫吹秦橋漫有姓名刻洞府試爲靈君覓杯
水水中自畫青虬起便令紫霧生風霆一舉直上九

萬里

舊江西通志

趙崇源

度宗時知郴州太宗九世孫

九日山

九日登臨老奈何
強將幽恨寄悲歌
疲欹巾帽愁風動
病着飢腸壓酒多
東嶺荒榛藏馬鬣
西巖空榻鏹蛛窠
獨憐堂下千章木
跨歷齊梁未改柯

泉州府志

趙崇垓

字德暢太宗九世孫家南海嘉定十六年蔣重

榜進士權端州郡貳

遊七星巖和曾景亮同年

地本乎陰竅本空巖名以斗古傳風世人適意爲行

樂造物何心著巧功弱水蓬萊仙境界石橋方廣佛
神通達觀不作塵寰看笑挹天漿樂在中

趙崇礪

湧祐中知南安縣

九日山送客次趙循州韻

蒼松藏野寺山以隱君靈俛仰千年事孤高九日亭
抗塵頭漸白弔古眼猶青有客耽幽討吟情起鶴汀

南安
縣志

趙必愿

字立夫餘干人汝愚孫嘉定七年進士主管官

告院朝奉大夫歷知全常處泉婺福等州累遷
權戶部尙書華文閣學士

重建神秀樓追和忠定公韻

維茲城南樓廢興端有時昔我忠定公樓成旋西歸
拜廳慚匪肖易磨絲好溪循環六十載烏兔驚梭飛
吁嗟古雉堞巨浸墮藩籬陶甓旣還舊更刱如有期
歲事喜中稔度材授工師非敢侈輪奐聊爾遵光規
江山展圖畫欄檻倚清輝肯堂久在念今我身任民
遼鶴去不返遺墨猶淋漓一時賸篇詠皆表而出之
登眺惟疇昔未覺此舉非落成燈火夜萬點天心移

潮生月在浦酒闌風滿衣幸繼前人躅敬和前人詞
斯樓儻不朽庶慰蒸湘悲

天台別編

秋高亭

秋空何太高秋風何太清秋露何太皎秋月何太明
秋山有素期秋水莫間盟力此久病身試上高高亭
上欲鴛扶搖下欲跳清冷手持紫玉簫跨鵬或騎鯨
時吹復復時止霄壤隨縱橫回首天上人見我呼友生
我言你能許我三百六旬無一日之不秋則我亦許
你從此爲逍遙之朋

廣西通志勝蹟

趙必瞇

字伯暉晉江人濮安懿王八世孫從益王至永
嘉蒲壽庚作亂將殺必暉參軍吳伯厚以計出
之遂居泉之東陵

和榴皮題壁韻

四仙吸露餐霞者郤勝人間烟火餘二十八言留壁
上不須青鳥爲傳書

東林山志

趙必岳

必岳字次山號雲舍南豐人太宗十世孫崇幡
子年十七登淳祐四年進士第杜門二十年不
出博極羣書後官臨江通判撫州守宋末避地

甯都奉密詔與吳浚舉義反正戰不利走汀州
之畲中踰年卒有雲舍悅稿

飲酒

窮居無與娛弱子戲我右甯知千載前不是桑榆友
今爲骨肉親結愛豈不厚不知後千載當復如此否
且盡人間事幽遠非所叩江西詩徵

趙良佐

太宗十一世孫清熙間知南恩州

妙法菴

蔓藤扶我過東岡與客同登妙法堂小院迴廊春已

暮茂林脩草夏初長歸來未辦買山計健甚無庸卻
老方朝市山林總無累此生此世底須忙

肇慶府志

乘興來遊古道場遠村落日卧牛羊暫能擺脫塵埃
念瓦鼎烟消柏子香

廣東通志
古蹟畧

趙貞生

太宗十一世孫

松風亭

七樹懷鄭薰千尺羨晉嶠宏景招不來符仰石長嘯

長汀縣志

趙德口

宋宗室

失題

鎣崖刻石成大像誰道老僧多伎倆雖云百尺最高
高應有遊人到頭上石刻

趙公豫

字仲謙魏王廷美六世孫居常熟紹興間進士
累官通議大夫寶謨閣待制知真州著有燕堂

類稿

教授祖守中逢清以秋菊佳詠見貽奉答
重九寓淮陰塵囂忘境寂金風徧原野芳華未銷歇

結後步林均秋客正紛發疏籬隱士居叢菊堪怡悅
淡遠異凡葩清香戀游蝶皎如冰作盤長才無放逸
廣文祖先生鷄羣之鶴立揮酒賦新言羣賢皆侍側
一編惠遠人捧誦幾晨夕

嚴先生釣臺同范茂明浚賦

漢帝中興握赤符先生恬淡隱名區羊裘自是林泉
物龍德原非將相徒不學淮陰遭戮辱豈同尙父預
匡扶高蹤卓絕橫今古瞻拜桐江感歎俱

陳元矩招度納姬戲贈

半載幽居太寂寥春風送暖此良宵深情不必勞留

戀好布羅幃罷阿嬌

賺得姬人下鏡臺
錦衾角枕手親裁
魚魚水水成佳
懶向書堂事酒杯

秋日遊焦山寺

舟行依岸曲
積氣一峯孤
日烈秋容老
霜寒木葉枯
閒雲留佛字
幽鳥借僧鋪
何日尋真隱
名山信杖扶

金山

波濤留不息
山勢獨縱橫
高閣空中現
浮圖雨外晴
帆檣歸客隱
鐘鼓卧龍驚
是處開生面
風雲別有情

韓侯釣臺

湖水盈盈歷古今我來憑吊識淮陰王孫自失三齊
志漂母誰憐一飯心封拜不堪仍赤族交游亦可仗
黃金富春亦有垂綸者獨引高風爽客襟

采石磯懷古

姑孰江頭暫置郵涼風蕭颯勝三秋燃犀韻事歸何
處披錦詩人迹尙留廣濟刹邊松樹古峩眉亭畔晚
煙浮六朝伯業成殘壘惟見茫茫水北流

新燕

養成羽翼在雕梁掠水穿花枝本長舌口澗翻驚午
夢好風吹到竹方牀

祁門駁

舟小名爲駁，臨河體實輕。
捫灘魚貫上，放溜雁行行。

燕堂

詩稿

趙公廙

字忍菴

淳熙壬寅烏石山別口口嗣老禪師

箇裏靈山處，處通本無來往與。
西東臨行一句如何，

會烏石山頭撞曉風。

烏石山
石刻

趙彥齡

字壽卿魏王廷美七世孫官通判與曾幾唱和

見茶山集

登般若臺

在嘉祐院

撥置文書強作閑佩壺聊得共躋攀歸雲不識遊人
意遶盡江南一帶山

題巾山

一夜空山聞杜鵑落花流水兩茫茫然憑闌不覺春歸
去目極平蕪綠際天

題南峯精舍藍光軒

一溪帶郭淨潺湲寺在溪旁碧岫巔塔影遠連空翠

鴨鐘聲高入蔚藍天竹房僧定侵窗月沙步人稀滿
樹煙剛被名羈挽歸去久居應作地行仙

天台別編

趙彥端

魏王廷美七世孫

題西隱

西風數客一闌干野色蕭然得細看潦水倍知秋事
早夕陽更覺晚山寒小留待月鐘無遽半醉題詩燭
未殘憶得尙來幽獨處黃精未熟客衣單

吳都文粹續集

翠微山居八首

閒來石上卧長松百衲袈裟破又逢今日不愁明日

飯生涯只在鉢盂中

臨溪草草結茅堂靜坐安然一炷香不是息心除妄想都緣無事可思量

老老山僧不下堦雙眉恰似雪分開世人若問枯松樹我作沙彌親見栽

幼入空門絕是非老來學道轉精微鉢中貧富千家飯身上寒暄一衲衣

一池荷葉衣無盡數樹松花食有餘卻被世人知住處更移茅舍作深居

茆檐靜坐千山月竹戶閒棲一片雲莫送往來名利

客堵前踏破綠苔紋

爐中無火已多時早起惟將一衲披莫怪山僧常冷
淡夜深無處拾松枝

豈是栽松待茯苓且圖山色鎮長青他年行腳不將
去留與人間作畫屏同上

趙彥璵

字中玉魏王廷美七世孫居仙居隆興元年進
士終平江府觀察推官

姑蘇臺會同年次袁說友韻

引睇龍門念久違自題雁塔會何稀奔馳違幙祇甘

分只赤星臺喜有依拱侍尊罍陪盛事仰瞻刑政煥
清暉我公自有回天力入佐明君看一飛石刻

趙彥真

舊名彥能字從簡魏王廷美七世孫隆興元年
進士

姑蘇臺會同年次袁說友韻

杏園名勝與春違落落晨星入望稀百里我方欣際
遇二天公正許馮依繡衣俱近雲霄路綺席聊分山
水暉已幸光華參末至鳳池行且看雙飛石刻

趙彥衛

字景安浚義人魏王廷美七世孫隆興元年進士紹熙間宰烏程通判徽州台州開禧間知徽州著有雲麓漫鈔

題蘭亭帖

生涯寄簾瓢嗜古成傳癖胸蟠萬卷書禊帖究所出三百七十五異論溢編帙更相自戈矛又類相形色我昔識諸老高論玲侍側玉筆貴藏鋒眞鷺拚金錫精神苟不具徒爾致研席搜訪諸賢語編類置丈室使我心豁然登山如得屐妄意於斯文庶可益涓滴作詩謝來況持寄俟他日

蘭亭攷
卷十

姑蘇臺會同年次袁說友韻

鴈塔尋盟信不違二星聯璧世間稀高情念舊何其厚口客親不得所依節操剛方范孟博口口蘊藉謝元暉沙堤已築催歸騎惟底朝來口口飛石刻

趙彥肅

字文長居嚴州建德縣乾道丙戌進士第尉樂清會大旱令循故事禱雨而責租益急彥肅曰損斂已責所以招和氣何禱爲已而果雨慶元初知晉陵縣歲飢彥肅賑恤有方所活幾二十萬嘉定十年以朝奉大夫集英殿修撰知蘇州

游虎邱

文書窮日幾時休
得得尋幽到虎邱
望處平蕪迷遠近
林端飛鳥去夷猶
吳王事古遺人恨
西子名存逝水流
從昔邦君多賦詠
可無一事繼前修

虎邱志

趙彥邁

宣祖八世孫知南平軍

歲熟

蕞地曾無一掌平
由來作郡亦強明
峯連萬翠山橫障
川合三溪水遶城

溪堂

風俗連巴楚封疆接播漆輿地紀勝

趙彥中

字大本開封人魏王廷美七世孫乾道五年進士累官朝奉郎起居舍人兼國史院編修官權直學士院

挽崔舍人

直上青霄早秋翎插健雕心源九雲夢筆陣幾嫖姚
視草含英鳳封章落貴紹身前茂陵藁及謁漢皇朝
君爲鑑論甫及奏

卷之三

宋詩力十三

十三

君頃因夜對話及不肖姓名壯髮猶藏葆生芻已奠觴修文平日事地下亦爲郎見崔舍人類纂附錄

趙彥琰

毗陵人宣祖八世孫紹興四年進士官迪功郎
潢河

潢河繞出郡城樓樓枕潢南城上頭天闊星連翼軫
分地長川帶漢江流宋詩拾遺方輿勝覽

趙彥呐

字敏若彭州人魏王廷美七世孫登四川類試
第厯官西和州守金人至再戰卻之後貶衡州

端平初授兵部侍郎四川置制使見鶴林集

挈家來游飲山林之美款泉石之勝引睇莆
陽扁畫因慨思關河鼎沸版圖之歸無期當
有任其咎者

嘉定十六年

吏餘得得叩仙局蕭散還吾自在身到耳鳴蟬口更
靜傍簷飛鳥亦相親層巖障日崖根險柱驚空口
色新應念中州方熱惱願分清泚藥斯民

湖南通志金石

趙溢夫

魏王廷美八世孫

元日

鳳歷首春王三元啟運昌衣冠充閭里雲物動笙簧

其舞椒花醉眞成機械忙人生當此日何必古羲皇

東陽縣志

趙夷夫

號玉牕子廣陵郡王七世孫寶慶中銅山令

當陽勝處

當陽勝處好溪山翠滴溫公寶墨斑線溜一泓涼意
足須臾膚寸偏人間金石苑

趙義夫

魏王八世孫

題安陽山

突兀當空特不羣嶄然頭角起祥氛毗陵自古多才俊可信孤峯解主文

毗陵志

趙時朴

魏王廷美九世孫信國公克顥六世孫累官揚

州通判

黃塘巖

平地有石室玲瓏戶牖空重門疑鬼鑿六月與天通乳竇如滴雨幡幢欲舞風僧言巖下水窈窕到驪宮

吉安府志

趙時遠

字无近

一無作

號漸磐野老吳江人魏王廷美九

世孫

四景詩和孫僉判穎叔韻

荻塘柳影

午天雲淡日遲遲水面長條帶影垂不是纖腰渾不定自緣無力受風吹

禪院風荷

荷風細細晚生涼暑氣絪縕入座香飲盡碧筒人笑語花邊驚起睡鴛鴦

平湖秋月

樓臺兩岸枕長流落日行人競檣舟清夜湖光平似
鏡冰輪冷浸玉壺秋

仙磯晴雪

斂盡同雲放日暉寒光凜凜透重衣扁舟清曉尋溪
轉鬢鬢王猷訪戴歸以上見松陵詩徵前編

趙時煥

字文晦初名時敏字克勤號恆齋以舊字行魏
王廷美九世孫嘉定十三年進士厯著作佐郎
都官吏部員外郎知撫州端州廣西提刑著有

坤齋雜稿詩尤精詣見後村大全集

疏山

兩到臨川愧罔功只憑心事對蒼穹江鄉又喜今年
熟一笑歸田作好冬

重訪招提恰六年松風蘿月故依然世間萬事都休
問燕坐看山是好禪宋詩拾遺

趙時栗

仙居人魏王廷美九世孫咸淳四年進士官海

鹽主簿

武夷

千古武夷山來尋九轉丹雲封拜章石月洗步虛壇
白玉何勞煮丹霞自可餐未窮溪九曲賴有畫圖看

武夷山志

趙若櫟

厲有

居崇安縣魏王廷美十世孫性倜儻嗜吟咏人
以陶阮目之

卽事

可意黃鸝喚得醒日移山影正當庭飛花忽趁東風
過點破苔痕一片春

春詞

玉釵香夢水東流簾怯春寒寄暮鈎燕子不來花滿
地一痕新月又西樓

石鼓舡

山前山後杜鵑花莊上黃鸝識謝家欲問青帘溪上
酒行逢白髮道邊茶

崇安縣志

趙若恢

字文叔魏王廷美十世孫弱冠登咸淳乙丑進
士宋亡避地新昌山遇族子孟頫與居相得甚
時元主方求索趙氏賢者子昂轉入天台依楊
氏爲元所獲若恢以閒得脫年八十餘與方鳳

吳思齊謝翹仇山邨稱朱遺民

程鉅夫惠茶

卧病文園日正長
斜題遠寄雨前槍
黃綾不羨龍團貴
紫筍還聞雀舌香

一硯落花醉醒半簾飛絮

歸忙新泉活火松風細
何處黃州白玉堂

東陽縣志

趙若渚

魏王廷美十世孫

大泉洞

通羊幾岩壑茲洞如修航
泉聲轟鼓激澗氣侵衣涼
臨流網銀鯽
櫓桂漿此中有真趣
其樂更未央

通山
縣志

趙月泉

朱宗室

遊虎丘見瞻堂扁額

入山認得本來蹤識破機關境界同水自東流山自秀因緣只在笑談中虎丘

門下士德清縣學生員胡恭壽校

宋詩紀事補遺卷九十三終